

## Риёзус солиҳийн шархи / Риёзус солиҳийн шархи / 78-ҳадис

78 - الْخَامِسُ: عَنْ أَبِي أُمَّامَةَ صُدَّيْرِ بْنِ عَجْلَانَ الْبَاهْلِيِّ رَضِيَ اللَّهُ عَنْهُ قَالَ: سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَخْطُبُ فِي حَجَّةِ الْوَدَاعِ فَقَالَ: «اَتَقْوُ اللَّهَ، وَصَلُّوا حَمْسَكُمْ، وَصُومُوا شَهْرَكُمْ، وَأَدُّوا زَكَّةَ أَمْوَالِكُمْ، وَأَطْبِعُوا أَمْرَكُمْ» رَوَاهُ التَّرمِذِيُّ فِي آخِرِ كِتَابِ الصَّلَاةِ وَقَالَ: حَدِيثٌ حَسَنٌ صَحِيحٌ [616].

78. Абу Умома Судай ибн Ажлон ал-Боҳилий розияллоҳу анҳудан ривоят қилинади:

«Расулуллоҳ соллаллоҳу алайҳи васалламнинг видолашув ҳажида хутба қилиб:

**«Аллоҳга тақво қилинглар, беш намозингизни ўқинглар, (Рамазон) рўзасини тутинглар, молларингизнинг закотини беринглар ва иш бошингизга итоат этинглар, Роббингизнинг жаннатига киурурсизлар», деганларини эшитдим».**

Ином Термизий «Намоз китоби»нинг охирида ривоят қилиб, уни ҳасан ва сахих ҳадис, дедилар.

**Шарҳ:** Маълумки, видолашув ҳажи Пайғамбаримиз соллаллоҳу алайҳи васаллам умрларининг охирида бўлган. Ўша ҳаждада у зот ҳамма билан видолашганлар. «Эҳтимол бу йилдан кейин сиз билан учрашмасман», деганлар.

Дарҳақиқат, ўша ҳаждадан кейин вафот этганлар. Расули Акрам соллаллоҳу алайҳи васаллам мазкур видолашув ҳажида кўплаб пурмаъно ваъз-насиҳат, хутба ва васиятлар қилганлар. Ушбу ҳадисда ҳам ўшалардан айримлари айтилмоқда.

Пайғамбаримиз соллаллоҳу алайҳи васаллам умматларига хитоб этиб:

1. «Аллоҳга тақво қилинглар»;

2. «Беш намозингизни ўқинглар»;
3. «Ойингиз рўзасини тутинглар»;
4. «Молларингизнинг закотини беринглар»;
5. «Амир, яъни иш бошингизга итоат қилинглар»;
6. «Роббингизнинг жаннатига киурурсизлар» дедилар.

Инсон жаннатга кириши учун адо этиши зарур саналган ана ўша нарсалар ичida намоз биринчи бўлиб зикр қилиниши унинг қанчалик аҳамиятли ибодат эканини кўрсатмоқда.

---

Манба: [hadis.islom.uz](http://hadis.islom.uz)

